



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026058 24
Sarajevo, 05.01.2026. godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu odredbi člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

Protiv:

MUSTAFA JILMAZ, rođen 1984. godine u mjestu Alaćam, R Turska, državljanin BiH.

Što je:

Dana 22/23.09.2024. godine u namjeri sticanja protivpravne imovinske koristi, nakon što je dogovorio sa državljaninom Turske „(...)“, da ga za iznos od 400,00 Eura preveze putničkim motornim vozilom od Nikšića, Crna Gora, do Sarajeva, došao i istog preuzeo ispred hotela „(...)“ u Nikšiću, Crna Gora, a potom, putničkim motornim vozilom VW Passat, reg oznaka ..., vlasništvo „(...)“ iz Sarajeva, istog povezao, da bi neposredno prije međunarodnog graničnog prelaza Deleuša, zaustavio vozilo prije dolaska na granični prelaz na ulazu u BiH, gdje je „(...)“ izašao iz vozila i sam pješke zaobilazeći međunarodni granični prelaz Deleuša, nezakonito prešao državnu granicu

i ušao na teritoriju Bosne i Hercegovine, na koji način je isti omogućio „(...)“, da na nedozvoljen način pređe državnu granicu između Crne Gore i BiH, protivno odredbi člana 6. Protokola protiv krijumčarenja migranata, kopnenim, morskim i vazdušnim putem, kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02), na mjestu koje nije predviđeno za prelazak državne granice, što je protivno odredbi člana 7. stav 2. Zakona o Graničnoj kontroli („Službeni glasnik BiH“, broj: 53/09, 54/10 i 47/14), iako je znao i bio svjestan, da „(...)“ ne ispunjava uvjete za zakonit prelazak državne granice i boravak na teritoriji Bosne i Hercegovine, zbog mjere koju mu je izrekla Služba za poslove sa strancima BiH „Zabrana ulaska u BiH“ u trajanju do ... 2025. godine, jer je od ranije protjeran sa teritorije BiH, dok je on potom nastavio vožnju u navedenom vozilu i na zakonit način prešao državnu granicu i ušao na teritoriju BiH, gdje je zastao na pogodnom mjestu i putem telefona dogovorio se sa „(...)“ gdje će ga čekati, a sve sa namjerom da ga doveze do Sarajeva, da bi nakon što je „(...)“ stigao, istog prihvatio u navedeno vozilo i nastavio vožnju u pravcu Sarajeva, da bi tokom vožnje, u mjestu Prijeđel, opština Foča bio zaustavljen od strane policijskih službenika Granične policije BiH i kontrolisan, nakon čega su obojica sprovedeni u prostorije Granične policije Hum-Foča.

Dakle,

u namjeri sticanja protivpravne imovinske koristi, omogućio stranom državljanu, koji ne ispunjava uslove za zakonit prelazak granice, da sa teritorije Crne Gore pređe na teritoriju Bosne i Hercegovine, na mjestu gdje nije predviđeno za prelazak granice,

Čime je počinio krivično djelo „Krijumčarenje ljudi“ iz člana 189. stav 1. KZ BiH.

TUŽILAC
TUŽILAŠTVA/TUŽITELJSTVA BiH